




Komisija za izbor i imenovanja

Broj: 01-04-185-4/26
Srebrenik, 23.03.2026.godine

GRADSKO VIJEĆE



PREDMET: Prijedlog Odluke o utvrđivanju prijedloga kandidata predstavnika državnog kapitala za imenovanje Nadzornog odbora JP Vodovod i kanalizacija „Srebrenik“ d.d. Srebrenik, dostavljamo.-

Poštovani,

Komisija za izbor i imenovanja je na svojoj 34.sjednici utvrdila Prijedlog Odluke o utvrđivanju prijedloga kandidata predstavnika državnog kapitala za imenovanje Nadzornog odbora JP Vodovod i kanalizacija „Srebrenik“ d.d. Srebrenik.


U prilogu ovog akta vam dostavljamo gore navedeni Prijedlog na razmatranje, na narednoj sjednici Gradskog vijeća.

Dostaviti:

- Naslovu
- a/a.

PREDSJEDNIK KOMISIJE

Nirmel Muratović



PRIJEDLOG

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13), člana 25. Statuta Grada Srebrenika („Službeni glasnik Grada Srebrenik“, broj: 01/24), člana 5. stav 5. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona ("Službene novine Tuzlanskog kantona", broj: 11/19) i člana 2. Odluke o uslovima, kriterijima i postupku imenovanja u regulirane organe ("Službeni glasnik Općine Srebrenik", broj: 3/19 i „Službeni glasnik Grada Srebrenik“, broj:1/20, 9/21 i 8/25), na prijedlog Komisije za izbor i imenovanja, Gradsko vijeće Grada Srebrenik na sjednici održanoj dana 31.03.2026. godine, donosi:

ODLUKU

o utvrđivanju prijedloga kandidata predstavnika državnog kapitala
za imenovanje u Nadzorni odbor Javnog preduzeća
Vodovod i kanalizacija „Srebrenik“ d.d. Srebrenik

Utvrđuje se prijedlog za imenovanje tri kandidata u Nadzorni odbor Javnog preduzeća Vodovod i kanalizacija „Srebrenik“ d.d. Srebrenik, predstavnika državnog kapitala, kako slijedi:

1. Ćidić Mirza iz Srebrenika,
2. Buljubašić Almir iz Srebrenika i
3. Brašnjic Zijad iz Srebrenika.

II

U skladu sa članom I ove Odluke Skupština Javnog preduzeća Vodovod i kanalizacija „Srebrenik“ d.d. Srebrenik će donijeti Odluku o imenovanju članova Nadzornog odbora predstavnika državnog kapitala.

III

Odluka stupa na snagu danom donošenja, a objavit će se u "Službenom glasniku Grada Srebrenik".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
-Gradsko vijeće-

PREDSJEDAVAJUĆI
GRADSKOG VIJEĆA
Nisvet Sejdinović

Broj: 01-04-___/26

Datum, 31.03.2026. godine

O b r a z l o ž e n j e

I - PRAVNI OSNOV

Pravni osnov za donošenje predložene odluke nalazi se u odredbama članova 12. i 6. stav 1. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13), gdje članu 6. stav 1. stoji da: "Odgovorni javni službenik ima konačnu odgovornost da obezbijedi da se sva imenovanja izvrše u skladu s odredbama ovog Zakona kao i da obezbijedi da se nijedno konačno imenovanje u regulirane organe ne izvrši ukoliko nisu primijenjene odredbe ovog Zakona", te člana 12. stav 3. istog Zakona, kao i u odredbama člana 249. stav 1. Zakona o privrednim društvima ("Službene novine Federacije Bosne i Hercegovine", broj: 81/15), gdje stoji da: "Kandidata za člana nadzornog odbora može predložiti dioničar ili grupa dioničara sa najmanje 5% dionica sa pravom glasa" (Grad je većinski vlasnik kapitala u predmetnom preduzeću) i člana 2. Odluke o uslovima, kriterijima i postupku imenovanja u regulirane organe ("Službeni glasnik Općine Srebrenik", broj: 3/19 i „Službeni glasnik Grada Srebrenik“, broj:1/20, 9/21 i 8/25).

II - RAZLOZI ZA DONOŠENJE

Zbog prestanka mandata Nadzornog odbora JP Vodovod i kanalizacija „Srebrenik“ d.d. Srebrenik nastala je potreba za imenovanjem novog Nadzornog odbora navedenog Javnog preduzeća. Javni oglas za izbor i imenovanje Nadzornog odbora - tri predstavnika državnog kapitala u JP Vodovod i kanalizacija „Srebrenik“ d.d. Srebrenik je objavljen je na web stranici Grada Srebrenik www.srebrenik.ba dana 19.01.2026.godine i dnevnim novinama Oslobođenje 22.01.2026.godine, te u „Službenim novinama FBiH“ dana 23.01.2026.godine.

Na Javni oglas prijavilo se ukupno deset kandidata. Devet prijava su bile uredne i blagovremene, a jedna prijava nije ispunjavala potrebne uslove uslove Javnog oglasa. Svi kandidati čije su prijave bile kompletne, telefonskim putem su pozvani na intervju zakazan za dan 23.02.2026.godine. Na isti su se odazvali svi pozvani kandidati (devet), i sa svima je obavljen intervju.

Nakon obavljenog intervjua, analize i ocjene dokumentacije od strane Komisije za izbor u regulirane organe vrednovani su kandidati prema kriterijima propisanim u gore pomenutoj Odluci, te je Komisija za izbor u regulirane organe sačinila rang listu, i to:

1. Ćidić Mirza - ukupno 5,10 bodova,
2. Buljubašić Almir - ukupno 5,00 bodova,
3. Brašnjić Zijad - ukupno 4,90 bodova,
4. Muftić Nedim - ukupno 4,70 bodova,
5. Veselčić Ivo - ukupno 4,70 bodova,
6. Junuzović Ahmet - ukupno 4,60 bodova
7. Muratović Selmin - ukupno 4,50 bodova,
8. Avdić Sanel - ukupno 4,50 bodova i
9. Bajrektarević Mahir - ukupno 4,20 bodova,

O provedenoj proceduri, Komisija za izbor u regulirane organe je sačinila pisani Izvještaj sa rang listom uspješnih kandidata za potrebe Komisije za izbor i imenovanja.

Komisija za izbor i imenovanja je na svojoj sjednici razmatrala Izvještaj Komisije za izbor u regulirane organe i rang listu, pa je utvrdila predmetni Prijedlog Odluke o utvrđivanju prijedloga kandidata predstavnika državnog kapitala za imenovanje u Nadzorni odbor Javnog preduzeća Vodovod i kanalizacija „Srebrenik“ d.d. Srebrenik, kako slijedi: Ćidić Mirza, Buljubašić Almir i Brašnjić Zijad, te predlaže Gradskom vijeću da isti prihvati.

PREDLAGAČ:

Komisija za izbor i imenovanja